

Održana 77. sjednica Koordinacionog odbora vrhovnih revizijskih institucija u BiH



U Brčkom je 15. decembra održana 77. sjednica Koordinacionog odbora vrhovnih revizijskih institucija u BiH kojoj su prisustvovali svi generalni/glavni revizori i njihovi zamjenici iz svih javnih revizijskih institucija u BiH. Na sjednici se, pored ostalog, razgovaralo o ustavno-pravnoj poziciji vrhovnih revizijskih institucija u BiH i načinima njihove komunikacije i saradnje sa drugim institucijama, uključujući i organe za provođenje zakona. Poseban akcenat tokom rasprave i potpun konsenzus svih članova Koordinacionog odbora po tom pitanju, stavljen je na neophodnost očuvanja dostignutog nivoa, ali i dodatnog jačanja finansijske, organizacione i funkcionalne nezavisnosti revizijskih institucija, u skladu sa relevantnom zakonskom regulativom i najboljim međunarodnim praksama.